

Leano A/13.1 Leano la Puo la Yunivesithi e Bohareng ya Thekenoloji, Foreistata (YBT)	
Mohlanka eo ho ikopangwang le yena	Mongodisi nomorong ya mohala (+2751) 447 4986
Letsatsi la kananelo	2003-03-14
Ba nang le matla a ho ananela	Lekgotla la YBT
Letsatsi la ho le lekola botjha hape	2006-03-14

13.1.1 Lebaka la leano lena

13.1.2 Tlhaloso ya leano

13.1.3 Tsa thuto

13.1.4 Kakaretso

13.1.5 Ngollano

13.1.6 Mesebetsi ya semmuso

13.1.7 Mohlanka ya ikarabellang

13.1.8 Moo le sebediswang teng

Maano/Ditokomane tse amehang

Nalane ya ditokiso

Mamiello

13.1.1 Lebaka la leano lena

a) Leano la Puo la Yunivesithi e Bohareng ya Thekenoloji, Foreistata le nka diqeto mabapi le maleme a sebediswang ha ho buisanwa ka hara YBT.

13.1.2 Tlhaloso ya leano

a) Yunivesithi e Bohareng ya Thekenoloji, Foreistata e itlamme ka ho ntshetsapele phumantsho ya thuto ho baithuti kaofela ba thuto e phahameng le ho lokisa ditlamorao tsa kgethollo ya nako e fetileng.

b) Yunivesithi e Bohareng ya Thekenoloji, Foreistata e tla leka ka hohle ho phahamisa le ho ntshetsapele tshebediso ya maleme a mangata, haholoholo maleme a ikakgang ka pele a lebatowa.

c) Leano la Puo la semmuso la Yunivesithi e Bohareng ya Thekenoloji, Foreistata le itshetlehile hodima mamellano le tlhomphe ho tswa dihlopheng kaofela tsa merabe mme, ha le a tshwanela ho ikamahanya le dipolotiki ka moo ho kgonahalang ka teng. Le tshwanetse ho tataiswa ke metheo ena e latelang:

- i) Tshehetso ya molaotheo wa Rephabliki ya Afrika Borwa.
- ii) Ntshetsopele ya ho fapafapana, tekatekano le poellano.
- iii) Phethahatso ya ditlhoko tsa lebatowa.
- iv) Ho qoba tshenyo le ho kgona ho hlahisa a mabaka a tshebediso ya dintho.
- v) Ntshetsopele ya phihlello.
- vi) Boitlamo mabapi le tshebediso ya maleme a mangata.

d) Ho tla thehwa maano, ditsamaiso le mehlodi tseo ka tsona ho tla ntshetswangpele tsebo ya maleme a ka sehloohong a puisano ho baithuti, le basebetsi kaofela YBT. Ho latela ho ikamahanya le tlwaelo ya naha ka bophara, ho tla toboketswa hodima Senyesemane jwaloka leleme le ka sehloohong la puisano.

e) Leano la Puo la Yunivesithi e Bohareng ya Thekenoloji, Foreistata le tla lekolwa botjha bonyane lemo tse ding le tse ding tse tharo (3), ka kamano le tshebedisano mmoho le dikgatelopele tse mabapi le *Leano la Puo la Naha la Thuto e Phahameng*.

13.1.3 Tsa thuto

a) Leleme le sebedisetswang ho ruta

i) Yunivesithi e Bohareng ya Thekenoloji, Foreistata e itlamme ka ho fana ka monyetla wa hore baithuti ba thuto e phahameng ba bangata, ka moo ho kgonahalang ka teng ba fihlelle thuto. Senyesemane se tla sebediswa jwaloka leleme le ka sehloohong la ho ruta.

ii) Seburu le Sesotho di tla sebediswa jwaloka maleme a tlatsetso a puisano ho ntse ho nkelwa hloohong dikgatlehelo tsa lebatowa. Moo ho loketseng teng, maleme ana a ka nna a sebediswa jwaloka maleme a bapileng ka ho lekana mabapi le ho ruta. Disebediswa tsa ho ruta le ho hlahloba baithuti di tla fumaneha ka Seburu ebang ho kgonahala.

b) Nehelano ya dithuto tsa maleme

i) Yunivesithi e Bohareng ya Thekenoloji, Foreistata e etsa mekutu ya ho nehelana ka dithuto tsa maleme a itseng ho latela ka moo thuto tsena di batlwang ka teng, le ho latela ka moo batho nang le tsebo e batsi ya tsona ba fumanehang ka teng.

ii) Ntshetsopele ya tshebediso ya dipuo tsa lebatowa la Foreistata le tlotlontswe ya tsona dithutong ke taba e tla behwang ka pele ha ho shejwa dintho.

c) Leleme la tlhatlhobo

i) Senyesemane ke leleme le ka sehloohong la ho hlahloba. Moo ebang ho nehelanwa ka dithuto ka maleme a bapileng ka ho lekana ntle le Senyesemane, tlhatlhobo e ka nna ya etswa ka leleme leo le amehang.

13.1.4 Kakaretso

a) Tsamaiso ka kakaretso

i) Senyesemane e tla ba puo e ka sehloohong ya tsamaiso.

ii) Tshebediso ya leleme le itseng, ha e a tshwanela ho teela batho ba bang ka thoko hore, ba seke ba nka karolo ka hara tsamaiso tsa semmuso jwaloka dikopano le mekete.

iii) Dikomiti di tshwanetse di etse mesebetsi ya tsona di ntse di ela hloko leano la puo, empa ha ho setho sa komiti se tshwanetseng ho sehelwa moedi tshebedisong ya hae ya Senyesemane.

iv) Lefapha la Tshebeletso ya Maleme YBT, le nang le tshebeletso tsa ho fetolela le ho toloka dipuo, le tla ho hodiwa hore le kgone ho fana ka tshebeletso tse na ka maleme a mangata le ka ho nama.

b) Diboroto tsa tsebiso

i) Diboroto tsa tsebiso di tshwanetse ho bontsha ho fapana ha meetlo khempaseng. Lesedi le nepahetseng ho latela *Leano le mabapi le ho fanyeha diphoustara le ditsebiso hodima Diboroto tsa Tsebiso*, le ka nna la hlahiswa ka maleme a mararo a lebatowa a porofensi.

c) Diboroto tsa tlhahisoleseding / Diboroto tse bontshang tsela

i) Moo ho kgonahalang teng, tlhahisoleseding e tshwanetse ho hlahella hodima matshwao a behilweng dibakeng tse hlwailweng ka nepo mme lesedi leo, le tshwanetse ho hlahella ka puo tse bontshang boemedi ka hohle.

d) Mabitso a dibaka

i) Mabitso a meaho a tla amohelwa/fetolwa ho latela *Leano le mabapi le ho rehella dibaka le mobu wa Yunivesithi e Bohareng ya Thekenoloji, Foreistata*.

13.1.5 Ngollano

a) Ka Leano la yona la Puo, Yunivesithi e Bohareng ya Thekenoloji, Foreistata e ikemiseditse ho dumella phallo ya tlhahisoleseding ka hara tsamaiso ya yona, hore e tsamaye ha bobebe ka moo ho kgonahalang ka teng. Ditsebiso tsa semmuso kaofela, di tla ba bonyane ka Senyesemane, mme moo ho kgonahalang teng ka maleme a tlatselletso.

b) Moo ho kgonahalang teng ha ho sebetsanwa le dipatlisiso, YBT e tshwanetse ho araba ka leleme la motho ya etsang dipatlisiso.

13.1.6 Mekete kapa mesebetsi ya semmuso

a) Ke mofuta wa mekete kapa seo mokete oo se o fupereng, kapa batho ba tlileng ho yona ba tla bontsha hore ke puo e feng e tshwanetseng ho sebediswa.

13.1.7 Mohlanka ya ikarabellang

a) Mongodisi o jara boikarabelo ba ho kenya leano lena tshebetsong ebile ke yena motho eo ho lokelang ho ikopangwa le yena ha ho etswa dipatlisiso ka leano lena.

13.1.8 Moo leano le sebediswang teng

a) Basebetsi le baithuti bohle ba Yunivesithi e Bohareng ya Thekenoloji, Foreistata ba tshwanetse ho tseba ka dikahare tsa leano lena.

Maano kapa ditokomane tse amehang

1. CUT IRC – Governance section – Higher Education Act, Act 101 of 1997 (as amended) – section 27(2) refers;
2. CUT IRC – Governance section – The Language Policy for Higher Education – Ministry of Education (November 2002);
3. CUT IRC – Section H – Policy on the naming of facilities and grounds of the Central University of Technology, Free State;
4. CUT IRC –Section E – Policy on the affixing of posters and notices on notice-boards at the Central University of Technology, Free State.

Nalane ya ditokiso

Letsatsi la phatlalatso	Karolo ya IRC	Mohlodi wa kananelo	Karolwana tse lokisitsweng & Dintlha mabapi le ditokiso
1. 2003-07-18 2. 2004-04-19 3. 2005-02-24	1 IRC - Section 513, item 513.1.1; 2. PRMS – Section GOV.POL, item gpol-I-001; 3. CUTMOPP - Section A, item 13.1	1. ECS (resolution UKS 03/01/24) – Recommended for approval by Council; 2. HRC (resolution MH 2/03/01) – Recommended for approval by Council; 3. LSC (resolution RDK 2/03/01) – Recommended for approval by Council; 4. Senate (doc. S 03/01/25) – Recommended for approval by Council; 5. VCET (resolution VCET 18/03/03) – Recommended for approval by Council; 6. CUT Council (resolution TR 3/03/1) – Approved for submission to Minister of Education not later than 31 March 2003 7. Approved by Minister of Education June 2003	1. Revised to be in accordance with the Language Policy for Higher Education, approved by Cabinet on 6 November 2002; 2. Format changed in accordance with format for CUT policies and name changed from TFS to CUT; 3. Formatted to be in accordance with Protocol for CUT policies to replace 513.1.1.

Mamiello

Batsamaisi ba moleng wa pele / Dihlooho tsa Mafapha tse itlalehang ho MM ka kotlolloho (Managerial Policy Administrative Procedures)	Hlooho/ Motlatsamotjhanselara (Managerial Policy Principles and Directives)	Lekgotla la YBT (Governance Policies and Procedures)	Senata (Academic Governance Policies and Procedures)
Ha ho kamano	Ha ho kamano	E saennwe ke Mongodi wa Lekgotla	Ha ho kamano
Letsatsi: -	Letsatsi: -	Letsatsi: 2005-02-17	Letsatsi: -